

**JASMIN ADEMOVIĆ, predsjedavajući Gradskog vijeća Grada Sarajeva,
u funkciji gradskog vijećnika**

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO

GRADSKO VIJEĆE

PRIMLJENO: 13 OCT 2022			
Org. jed.	Broj	Prilog	Vrijednost
	01-dv-04-1557		22

GRADSKO VIJEĆE GRADA SARAJEVA
Predsjedavajući Gradskog vijeća
za Komisiju za izbor i imenovanja

Predmet: Prijedlog za dodjelu priznanja „Plaketa Grada Sarajeva”

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14,31/14 i 11/20), a u povodu osvojenog prvog mjesta na Svjetskoj maraton ligi u biciklizmu, podnosim

Prijedlog
za dodjelu priznanja „Plaketa Grada Sarajeva”
Lejli Njemčević

OBRAZLOŽENJE

Lejla Njemčević rođena je 19. juna 1994. godine u Udinama u Italiji, a odrasla je u Sarajevu. Takmiči se u kategorijama planinskog i drumskog biciklizma. Prva je biciklistkinja iz BiH koja je potpisala ugovor za profesionalni biciklistički tim.

Ovim sportom se počela baviti sa 15 godina u Klubu brdskog biciklizma “Plus”. Tokom svoje sportske karijere postigla je izuzetne rezultate koju su doprinijeli da se grad Sarajevo i država Bosna i Hercegovina promoviraju kao okruženje iz kojeg stasaju vrhunski sportisti, te da kao takvo bude vidljivo, sa svim svojim obilježjima, na svjetskoj mapi.

Bila je devet puta nacionalni šampion u četiri discipline, a četiri puta nacionalni ligaški šampion. Šampionka Balkana je bila 2016. i 2017. godine, a u tom tamkičenju osvojila je i dvije srebrne medalje. Prvakinja je Bosne i Hercegovine i u kros biciklizmu.

S uspjesima je nastavila svoj put ka vrhu svjetskog biciklizma. Ove godine je osvoila Svjetsku maraton ligu, koja je sastavljena od sedam utrka Svjetskog kupa. Naša reprezentativka je zauzela prvo mjesto sa 1.200 bodova, odnosno 220 bodova više od drugoplasirane Njemice Štefanije Dorn (Stefania Dohrn), a na trećem mjestu sa 660 bodova završila je Janina Vust (Janina Wust) iz Švicarske.


Naša takmičarka je tokom sezone Svjetske maraton lige na pet od sedam svjetskih kupova završila na pobjedničkom postolju. Pobjede je odnijela na utrkama svjetskog kupa u Poljskoj i Hrvatskoj, u Francuskoj i Turskoj je zauzela drugo mjesto, a u Španiji je završila kao treće plasirana.

Rezultat Lejle Njemčević je najveći uspjeh za bh. biciklizam što dovoljno pokazuje o kakvom rezultatu se radi.

Čast mi je i zadovoljstvo predložiti Lejlu Njemčević za dodjelu priznanja „Plaketa Grada Sarajeva”, sportistkinju koja zlatnim slovima ispisuje hostriju bh. sporta i koja svojim sportskim uspjesima promoviraju grad Sarajevo i Bosnu i Hercegovinu.

Prilog: Biografija

Sarajevo, 13.10.2022. godine



LEJLA NJEMČEVIĆ – planinska biciklistica